



Broj: T09 0 KT 0189622 23
Sarajevo, 12.2.2024. godine

PRITVOR! HITNO!

OPĆINSKOM SUDU U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačke i) i člana 241. stav 1. Zakona o krivičnom postupku Federacije Bosne i Hercegovine¹ (u daljem tekstu „ZKP-a FBiH“) **podizhem:**

O P T U Ž N I C U

Protiv:

1. **MULALIĆ IRFAN**, rođen 1997. godine, sa prijavljenom adresom prebivališta u ulici, a boravi na adresi, općina, SSS, po zanimanju fizioterapeutski tehničar i student, nezaposlen, izdržava se od pružanja usluga kao fitnes trener, neoženjen, bez djece, nema državljanin BiH, drugo državljanstvo, JMB:, **osuđvan:** Presudom Kantonalnog suda u Sarajevu od 21.01.2021. godine, zbog krivičnog djela iz člana 289. stav 2. u vezi stava 1. KZ FBiH na kaznu zatvora u trajanju od 1 (jedne) godine i mjera sigurnosti oduzimanja predmeta, prema vlastitoj izjavi ne vodi se drugi krivični postupak, **nalazi se u pritvoru po Rješenju Općinskog suda u Sarajevu od dana 14.12.2023. godine, a koja mjera može trajati najduže do 14.02.2024. godine ili do nove odluke suda,**
2. **ISHAK BILAL**, rođen 2001. godine, sa prijavljenom adresom prebivališta u ulici, boravi na adresi, općina, po zanimanju operater CNC mašina, nezaposlen, izdržava se od pružanja usluga marketinga putem interneta, neoženjen, bez djece državljanin BiH, nema drugo državljanstvo, JMB:, osuđivan: **Presudom** Općinskog suda Ljubuški od 21.04.2022. godine, zbog krivičnog djela iz člana 294. stav 1. KZ FBiH na kaznu zatvora u trajanju od 6 (šest) mjeseci, uvjetno 2 (dvije) godine, prema vlastitoj izjavi ne vodi se drugi krivični postupak, **nalazi se u pritvoru po Rješenju Općinskog suda u Sarajevu od dana 14.12.2023. godine, a koja mjera može trajati najduže do 14.02.2024. godine ili do nove odluke suda**

Što su:

Mulalić Irfan i Ishak Bilal, zajedno,

1. U vremenskom periodu od sredine oktobra 2023. godine, pa sve do lišenja slobode dana 16.11.2023. godine, na području Grada Sarajeva i po prethodnom dogovoru, nakon što je

¹ ("Službene novine Federacije BiH", br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020)

putem društvene mreže i aplikacije za upoznavanje gej i biseksualnih muškaraca Grindr Mulalić Irfan predstavljajući se kao homoseksualni muškarac stupio u kontakt sa više homoseksualnih muškaraca državljana Bosne i Hercegovine i stranih država koji su bili u posjeti Sarajevu, s ciljem da sebi pribave protupravnu imovinsku korist svjesni da upotrebom prijetnje da će napasti na život pribavljaju tuđu pokretninu, a što su i htjeli, dana 4.11.2023. godine nakon što je Mulalić Irfan stupio u kontakt sa M.H.S.B.H. iz Malezije te istog dana Irfan Mulalić otišao sa putničkim motornim vozilom po njega, a nakon čega su se zajedno uputili u stan u Ulici, općina Novi Grad, Grad Sarajevo gdje je oko 21:00 sat, Irfan Mulalić, odmah po ulasku u stan u kojem se već nalazio Ishak Bilal, u M. pravcu usmjerio gasni pištolj crne boje marke „Retay“, model „.....“ serijskog broja a koji asocira i za koji je ovaj vjerovao da je u pitanju vatreno oružje obraćajući mu se prijetnjom „bolest i haram je što si gej, sve vas treba pobiti, daj mi sav novac koji imaš kod sebe, kreditnu karticu sa pinom“, u kojem trenutku je Bilal Ishak sjedio M. okrenutih leđa sa kapuljačom preko glave i kucao na prijenosnom računaru, a što je kod M. izazvalo strah za vlastiti život, da bi od njega uzeli i prisvojili novac u različitim apoenima i to u iznosu od 100 dolara, 130 konvertibilnih maraka kao i kreditnu karticu „.....“ sa pripadajućim pin kodom koji im je M. u strahu za vlastiti život saopćio, nakon čega se Ishak Bilal uputio do bankomata d.d. Sarajevo u Ulici, naselje Nova Otoka i upotrebom bankovne kartice sa pripadajućim pinom, uzeo i prisvojio 120 konvertibilnih maraka a potom se vratio u stan gdje ga je čekao Irfan Mulalić, na koji način su M.H.S.B.H. oštetili i za sebe prisvojili novčani iznos od 100 dolara u protuvrijednosti odgovarajućeg iznosa u konvertibilnim marakama i 250 konvertibilnih maraka, nakon čega su M. pozvali taksi i od njega prethodno prisvojenog novca dali mu 10,00 KM da bi mogao platiti taksi vožnju, te ostatak večeri zajedno proveli u stanu u ulici, općina Novi Grad

Mulalić Irfan sam

2. Dana 6.11.2023. godine u stanu u, općina Novi Grad, Grad Sarajevo, oko 21:30 sati, nakon što je putem društvene mreže i aplikacije za upoznavanje gej i biseksualnih muškaraca Mulalić Irfan predstavljajući se kao homoseksualni muškarac stupio u kontakt radi susreta sa M.H.S.B.H., a nakon što je prethodno uz upotrebu prijetnje i po život i tijelo od M. uzeo i prisvojio određeni novčani iznos i bankovnu karticu sa pin kodom, s ciljem da sebi pribavi protupravnu imovinsku korist prijetnjom da će protiv njega otkriti nešto što bi škodilo njegovoj časti i ugledu, a što je htio, obratio mu se riječima „kontaktirat ću te ponovo kako bi mi dao još novca, ako to ne učiniš za tvoju seksualnu orijentaciju ću reći tvom ujaku i svim tvojom prijateljima, a koje otkrivanje M. seksualne orijentacije bi štetilo njegovoj časti i ugledu, nakon čega ga je izveo iz stana, pozvao taksi i dao mu 10 KM da plati vožnju do svog stana te mu se dana 7.11.2023. godine javio sa telefonskog broja i aplikacije Whatsapp zahtijevajući od M. 200 KM kako ne bi njegovom ujaku otkrio da je homoseksualni muškarac, nakon čega je M.H.S.B.H. blokirao oba broja koja je koristio Irfan Mulalić te izbrisao svoj profil sa društvene mreže i aplikacije za umrežavanje gej i biseksualnih muškaraca „Grindr“ te događaj prijavio Ministarstvu unutrašnjih poslova Kantona Sarajevo.
3. Dana 12.11.2023. godine u vremenskom periodu od 20:30 sati do 21:30 sati u ulici, općina Centar, Grad Sarajevo, s ciljem da sebi pribavi protupravnu imovinsku

korist svjestan da upotrebom sile i prijetnje da će napasti na život pribavlja tuđu pokretninu, a što je i htio, nakon što je putem društvene mreže i aplikacije za upoznavanje gej i biseksualnih muškaraca Grindr Mulalić Irfan predstavljajući se kao homoseksualni muškarac stupio u kontakt sa više homoseksualnih muškaraca državljana Bosne i Hercegovine i stranih država koji su bili u posjeti Sarajevu, među kojima i A.K., sa kojim je Irfan Mulalić koristeći „Grindr“ profil naziva „.....“ dogovorio susret i došao na adresu ulica na kojoj A.K. živi, da bi po odmah ulasku u stan obratio se A.K. prijeteći mu zbog njegove seksualne orijentacije a zatim ga udario otvorenom pesnicom u predjelu lijevog obraza, te se tom prilikom predstavio kao policajac i pokazao značku sa natpisom „Special police“, podigao duksericu i A.K. pokazao za pojasom gasni pištolj crne boje marke „Retay“, model „....“ serijskog broja a koji asocira i za koji je ovaj vjerovao da je u pitanju vatreno oružje, a potom mu se obratio riječima: „Dat ćeš mi para sve što imaš“, na što mu je A.K. odgovorio da novac ne drži kući već u banci na što mu je Irfan Mulalić rekao da se spremi i da zajedno idu na bankomat, pa je A.K. iz straha za svoj život sa Irfanom Mulalićem otišao do bankomata u ulici, općina Centar i na bankomatu podigao novac u iznosu od 200 KM, koji je Irfan Mulalić uzeo i za sebe prisvojio, a zatim se udaljio u nepoznatom pravcu, na koji način je oštetio A.K. za iznos od 200 KM,

4. Dana 31.10.2023 godine oko 01:30 sati iza ponoći, u stanu u ulici, općina Centar Grad Sarajevo, nakon što je putem društvene mreže i aplikacije za upoznavanje gej i biseksualnih muškaraca „Grindr“, predstavljajući se kao homoseksualni muškarac, s ciljem da sebi pribavi protupravnu imovinsku korist svjestan da upotrebom sile i prijetnje da će napasti na život pribavlja tuđu pokretninu, a što je i htio, stupio u kontakt sa F.Š., sa kojim je putem aplikacije „Grindr“ dogovorio susret i došao na adresu, općina Centar gdje F.Š. živi, da bi odmah po ulasku u stan obratio mu se prijeteći zbog njegove seksualne orijentacije obraćajući mu se riječima: „Hoćeš li biti peder“, a zatim ga je udario desnom rukom u predjelu lijeve sljepočnice i prijeteći zahtijevao da mu preda novac, te kada mu je F.Š. rekao da kod sebe ima samo albanske leke, makedonske denare i 30,00 KM, upitao ga je da li ga vrijeđa, a potom mu iz ruku izbio novac i udario ga u predjelu stomaka, na koji način ga je ostavio bez daha, nanijevši mu upotrebom fizičke snage lahke tjelesne povrede u vidu natučenja sljepočnog dijela glave i krvni podliv kože grudnog koša, a koji trenutak je F.Š. iskoristio te bacio se na pod glumeći napad, nakon čega je Irfan Mulalić sa vlastitog telefona pozvao hitnu medicinsku pomoć, te se udaljio u nepoznatom pravcu

Dakle pod tačkom 1 optužnice zajedno s ciljem da sebi pribavi protupravnu imovinske korist upotrebom prijetnje da će napasti na život oduzeli tuđu pokretninu i Irfan Mulalić pod tačkom 2 s ciljem da sebi pribavi protivpravnu imovinsku korist zaprijetio drugom da će protiv njega otkriti nešto što bi njegovoj časti ili ugledu škodilo da bi ga time prislio da učini nešto na štetu svoje imovine te pod tačkom 3 i 4 optužnice Irfan Mulalić s ciljem da sebi pribavi protupravnu imovinske korist upotrebom sile i prijetnje da će napasti na život drugoga oduzeo tuđu pokretninu

Čime bi počinili zajedno pod tačkom 1. krivično djelo Razbojništvo iz člana 289. stav 1 KZ FBiH u vezi sa članom 31 KZ FBiH te Irfan Mulalić sam pod tačkom 2 krivično djelo Ucjena iz člana 296. stav 1 KZ FBiH u vezi sa članom 28 KZ FBiH te pod tačkom 3 optužnice krivično djelo Razbojništvo

iz člana 289 stav 1 KZ FBiH a pod tačkom 4. Optužnice krivično djelo Razbojništvo iz člana 289 stav 1 KZ FBiH u vezi sa članom 28 istog Zakona, a sve u vezi sa članom 54 istog Zakona

PRIJEDLOG

za produženje mjere pritvora prema Irfanu Mulaliću i Bilal Ishaku

da Sud u smislu člana 151. stav 2 ZKP-a FBiH, nakon potvrđivanja Optužnice prema osumnjičenom Mulalić Irfanu i Bilal Ishaku produži mjeru pritvora po osnovu posebnog pritvorskog osnova iz tačke c) stav 1. član 146. ZKP FBiH kao neophodnu i jedinu srazmjernu mjeru osiguranja učešća osumnjičenog u postupku kojom se otklanja stvarna bojazan da osumnjičeni ponovi krivično djelo.

KANTONALNI TUŽILAC